



Utoqqaat Illuat Ajarsivasik
Sanatorievej 1320
3920 Qaqortoq

23. november 2023

All. nr./brevnr.:
2023-900-0003-21
Sull./sagsbeh.:
MH/MS/jh/kl/PK

Utoqqat Illuanni Ajarsivasimmi misissuineq

1. Aallaqqaasiut

Utoqqaat Illuanni Ajarsivasimmi Qaqortumiittumi (matuma kingornatigut Ajarsivasimmik taaneqartartussami) misissuineq siumut ilimasaarutigineqareersimasoq Inatsisartut Ombudsmandiannit misissuartortunit 9. aamma 10. marts 2023-mi ingerlanneqarpoq. Misissuineq taanna Ombudsmandip ataatsimut sulineranut ilaatillugu ingerlanneqarpoq, taamaalillunilu naammagittaalliuummik aalajangersimasumik tunngaveqarani misissuinerulluni.

Misissuinerup inatsiseqartitsinikku tunngavia pillugu paasissutissat nalunaarusiamut ilanngussamiittut innersuussutigaakka.

Misissuartortut tassaapput immikkut siunnersorti Monica Schnügger, immikkut siunnersorti Maliina L. Hansen kiisalu oqalutsi/nutserisoq Gerda Kreutzmann Ombudsmandeqarfimmeersut.

Ingerlatsinermi pisortaq Helga Kleist Kommuni Kujalliuup (matuma kingorna kommuni) ingerlatsivianeersoq misissuinerup ilaani najuuppoq.

Misissuinermi eqqartorneqartut ilaannaat nalunaarusiami matumani ilanngunneqarput.

Ajarsivasik kommunimilu ingerlatsivik periarfissaqarnikuupput misissuinermi nalunaarusiaagallartumut oqaaseqaateqarnissaminut. Kommunimit oqaaseqaat

tiguara 18. juli 2023. Aamma oqaaseqaat alla kommunimit tiguara 5. oktober 2023. Oqaaseqaatit pisariaqartortai nalunaarusiamut matumunnga ilanngunneqarput.

2. Misissuinerup piareersarneqarnera ingerlanneqarneralu

Ajarsivasik misissuartussamaarnermik oqarasuaatikkut 23. janaur 2023-mi ilisimatinneqarpoq, misissuinerlu pillugu paasissutissat amerlanerusut allakkatigut 30. januar 2023-meersutigut tigullugit. Ajarsivasik tamatumunnga peqatigitillugu qinnuigaara sulisut, najugaqartut ilaquaasullu tamaasa misissuissamaarnermik misissuartortunillu oqaloqateqarnissamut periarfissaqarnerannik ilisimateqqullugit.

Kommuni Kujallermi ingerlatsivik misissuartussamaarnermik e-mailikkut 30. januar 2023-meersukkut ilisimatippa. Kommunip misissuinermi alapernaasertitaasutut peqataasinnaanera tamatumunnga peqatigitillugu neqeroorutigaara, tamannalu kissaatigineqarpat ilisimateqqullunga.

Paaqqinniffik najugaqartullu pillugit allakkatigut paasissutissat assigiinngitsut misissuineq sioqqullugu Ajarsivasimmit tiguakka.

Ajarsivasimmi pisortaqtigii sinnerlugit pisortaq misissuartortunit misissuinermi oqaloqatigineqarpoq. Taassuma saniatigut sulisut pingasut, najugaqartut arfinillit ilaquaasullu sisamat misissuartortunit ataasiakkaarlugit oqaloqatigineqarput.

Ajarsivasiip initai misissuartortunit aammattaaq misissorneqarput.

3. Ajarsivasik pillugu ataatsimut oqaatigisassat

Ajarsivasik Qaqortumiittooq kommunip utoqqarnik paaqqinniffiutigaa.

Ajarsivasik pingasunik immikkoortortaqarfearpoq – immikkoortortaqarfiiit nalinnginaasut marluk puigortunngortunullu immikkoortortaqarfik ataaseq.

Ajarsivasik najugaqartunut 48-nut inissaqarpoq. Misissuinerup nalaani Ajarsivasimmi najugaqartut katillugit 37-upput.

Puigortuinngortunut immikkoortortaqaarfik najugaqartunut aqqanilinnut inissa-qarpoq. Misissuinerup nalaani puigortunngortunut immikkoortortaqaarfimmi arfi-neq marluk najugaqarput. Najugaqartut sinneri tamarmik immikkoortortaqaarfinni nalinginnaasuni najugaqarput.

Pisortap misissuisuiartortunut oqaatigaa najugaqartut ilaat 13-14-it immikkoortortaqaarfinni nalinginnaasuni najugaqartut paaqqutarisarialerujussuuusut. Pisortap aammattaaq oqaatigaa najugaqartut ilaat 24-t missaat immikkoortortaqaarfinni nalinginnaasuni najugaqartut imminnut isumagisinnaasuusut.

4. Ombudsmandip pingarnerusutigut naliliinera

Pingarnerusutigut paasisara unaavoq najugaqartut sulisullu misissuiartortunit oqaloqatigineqartut tamarmik Ajarsivasimmiinnertik nuannaralugu oqaatigigaat.

Paasisara aammattaaq unaavoq immikkoortortaqaarfiit nuannersuusut angerlarsi-maffippalaartumillu aaqqissugaasut.

Kiisalu naggataatigut paasisara unaavoq pisortaqatigiit utoqqarnik paaqqinniffinnik ingerlatsinermik peqataaffiginnilluarlutilu nuannarinnittuusut, kiisalu ajornartorsiutit najugaqartunit sulisunillu misigineqartartut eqqumaffigigaat.

Pissutsit arlalissuit oqaaseqaateqarnissannut pissutissaqalersippaannga. Taakku tulliuttuni imm. 5-imut 7-imut allaaserineqarput.

5. Pissaanermik atuisarneq pillugu inatsit

5.1. Pissaanermik atuineq periarfissatut kingullertut

5.1.1. Pisortap misissuiartortunut oqaatigaa pissaanermik atuinerup periarfissatut kingullertut atorneqarnissaa sulisut eqqumaffigiuannartangnikkaat. Pisortallit oqaatigaa sulisut pisuni aalajangersimasuni ajornartorsiummik periaatsit paasiuminartut atorlugit aaqqiiniaqqaaratik pissaanermik atuigajuttartut.

Pisortap tamatumunnga atatillugu oqaatigaa pissaanermik atuisarneq pillugu tu-naartarisassaliortoqarsimanngitsoq.

5.1.2. Sulisut pissaanermik atuinermut periarfissaat isumaginninnermik suliassaqarfimmi pissaanermik atuineq pillugu Inatsisartut inatsisaatigut nr. 8-kkut, 20. juni 2022-meersukkut (matuma kingornatigut pissaanermik atuisarneq pillugu inatsimmik taaneqartartussakkut) aalajangersarneqarsimapput.

Oqaatigaara utoqqarnik paaqqinniffimmi najugaqartut ilaannaat pissaanermik atuisarneq pillugu inatsimmi pineqartunut ilaatinneqarmata. Taamaalilluni pissaanermik atuisarneq pillugu inatsisip ilaa inunnut 18-inik taakkulu sinnerlugit ukiulinnut tunngasoq taamaallaat inunnut annertuumik ataavartumillu tarnikkut pisinnaasakillisimasunut timikkut pinngitsaaliinermik atuinissamut periarfissiivoq, tak. pissaanermik atuisarneq pillugu inatsimmi § 32, imm. 1. Tassani pissutsit qanoq issusiat apeqqutaatillugu utoqqaat illuanni najugaqartut puigortunngortut ilaatigut pineqarsinnaapput.

Pissaanermik atuisarneq pillugu inatsit pinngitsaaleeriaatsinik taamaallaat inatsimmi taaneqarsimasunik atuinissamut periarfissiivoq. Taamaalilluni pissaanermik atuisarneq pillugu inatsit sukumiisuuvooq, taamaattumillu akuliunnerit inatsimmi erseqqissumik taaneqarsimasut kisimik atorneqarsinnaallutik.

Pissaanermik atuisarneq pillugu inatsimmi § 1, imm. 1-ikkut aalajangersarneqarpooq pissaanermik atuineq qaqtiguinnaq pisariaqarluinnarfiatigut aatsaat atorneqartassasoq. Aalajangersakkamit tassannga aammattaaq erserpoq pissaanermik atuineq isumassuinermut isumaginninnikkullu perorsaalluni ikuinermut taarsiul-lugu atorneqanngisaannassasoq.

Aalajangersagaq taanna pillugu oqaaseqaatinit erserpoq pissaaneq pinaveersaartsiniutitut atorneqassanngitsoq, soorlu najugaqartoq pissaanermik atuisariaqalersitsisumik siusinnerusukkut iliuuseqareersimappat. Tassunga taarsiullugu taa-matut pissusilersonermet pissaanermik atuisariaqalersitsisumut pissutaasut qu-laajarniarneqartariaqarput, pisullu pissaanermik atuinissamik pisariaqalersitsiviusinnaasut pinaveersaartillugit, soorlu periaatsinik allanngortitsinikkut. Apo-raannerit pilerfii perorsaanikkut periaatsit atorlugit tamatigut pakkersimaarniar-neqartussaapput. Taamaalilluni pissaaneq najugaqartumik ikiorniarluni periarfis-satut kingullertut taamaallaat atorneqarsinnaavoq, perorsaanikkut periarfissat allat tamarmik misilinneqareersimappata.

Pissaanermik atuisarneq pillugu inatsimmi § 1, imm. 2-mit aammattaaq erserpoq pissaanermik atuineq anguniakkanut napertuuttuussasoq.

Aalajangersagaq taanna pillugu oqaaseqaatinit erserpoq pissaanermik atuinermi pisumi pissutsit sillimmaanneqassasut, pisumilu najugaqartup pisinnaatitaaffii akuliuffigineqartut mianerinnilluni oqimaalutarneqassassut. Isiginagassat aku-liunnermut tunngavilersuutaasut pisariaqassusiat pisumullu naleqquttuunerat tamumunnga peqatigitillugu nalilersorneqassasut.

Pissaanermik atuisarneq pillugu inatsimmi § 1, imm. 3-kkut aamma aalajangersarneqarpoq pissaanermik atuineq pisariaqarnerpaanuinnaq killilerneqassasoq sapinngisamillu qajassuarnerpaamik sivikinnerpaamillu pisassasoq.

Kiisalu pissaanermik atuisarneq pillugu inatsimmi § 1, imm. 4-kkut aalajangersarneqarpoq pissaanermik atuineq pisumi pissutsinut naapertuuttuutinnejassasoq.

Tassa imaappoq aalajangersagaq taanna pillugu oqaaseqaatini oqaatigineqartoq sulisut pissaanermik atuineq najugaqartullu nammineq aalajangiisinnaatitaane-ranut akuliunnerit suulluunniit sioqqullugit najugaqartup iliuuseqarnermi pisariaqartumi nammineq piumassutsi malillugu peqataanissa anguniarlugu perarfissat tamaaa misilissimassagaat.

5.1.3. Nalunaarusiaagallartoq manna tunngavigalugu kommunip uannut oqaatigivaa pissaanermik atuisarneq maannakkut iliuusissatut kingullertut atorneerussimasoq. Tassunga atatillugu kommunimi oqaatigineqarpoq pissaanermik atuineq pillugu sulisut ilinniartinneqarsimasut, kiisalu aamma sulisut ilinniarsimannngitsut ilinniartinneqarnissaanni aallarnisaaneq aallartinneqarsimasoq.

Kommunip oqaaseqaataa tusaatissatut tiguara.

Ajarsivasiup pissaanermik atuisarneq pillugu tunaartarisassaliornissani isumaliut-tersuutigissagaa kaammattuutigaara, taamaalillutik sulisut pisuni sorlerni pissaanermik atuisoqarsinnaaneranik eqqumaffiginnilersinnaaqquullugit.

Immikkoorttamut tassunga atatillugu allamik iliuuseqaqqissanngilanga.

5.2. Pissaanermik atuisarneq pillugu inatsisip tunniunneqartarnera

5.2.1. Pisortap misissuartortunut oqaatigaa pissaanermik atuisarneq pillugu i-natsisip nutaap 1. januar 2023-mi atuutilersimanera eqqumaffigisimanngikkitsik. Taamani pissaanermik atuisarneq pillugu inatsimmi malittarisassat pisortaqtigiinnit 2019-imi eqqumaffigineqalersimapput. Pisortaqtigiit tamatuma kingor-natigut kommunip utoqqarnik paaqqinniffiini sulisunik pissaanermik atuisarneq pillugu 2022-mi pikkorissarttsisimapput.

Pisortap taamatuttaaq oqaatigaa pissaanermik atuisarneq pillugu inatsit sulisunut tunniunneqarneq ajortoq.

Pisortap oqaatigaa sulisut nutaat suliffimmi ilitsorsorneqartartut, tassanilu soorlu sulisut pillugit malittarisassat ilitsersuutigineqartarlutik. Suliffik pillugu paassisut-tissat sinneri immikkoorttaqarfimmi ataasiakkaani pisortanit sulisunut nutaanut tunniunneqartarput.

Pisortap oqaatigaa sulisut pissaanermik atuisarneq pillugu inatsisip imarisaa atorneqarneralu pillugit ilitsorsorneqarnissaannik qulakkeerisumik ataqtigiissaaga-sumik suliniuteqartoqarneq ajortoq.

5.2.2. Pissaanermik atuisarneq pillugu inatsimmi § 2, imm. 1-ikkut aalajangersarneqarpoq utoqqarnik paaqqinniffiini sulisut pissaanermik atuisarneq pillugu inatsisip assilineranik tunineqartassasut. Taamatuttaaq tassani aalajangersar-neqarpoq sulisut pissaanermik atuisarneq pillugu inatsimmik tigusaqarsimanertik inatsisillu imarisaanik ilitsorsorneqarsimanertik atsiornermikkut upternarsartas-sagaat.

Pissaanermik atuisarneq pillugu inatsimmi § 2-kkut aalajangersarneqarpoq:

“§2. Inatsisartut inatsisaanni matumani ilaatinneqartuni ulloq unnuarlu paaqqinnit-tarfinni, najugaqarfinni illersugaasuni, ulloq unnuarlu neqeroorutini aamma utoqqarnik paaqqinniffiini, Inatsisartut inatsisaata massuma assillugu sanaqqinnejnarneranik sulisut tamarmik tigusissapput taassumalu imarisai pillugit ilitsersunneqassallu-

tik. Sulisup tigusinini imarisaanillu ilitsersuunneqarnini pillugit upternarsaammik allaganngorlugu atsiussaaq.

Imm. 2. Inatsisartut inatsisaata massuma assilillugu sanaqqinnejnarneranik tunniussinissaq imarisaalu pillugit ilitsersuinissaq aqtsisup taassumaluunniit tullersortaata pisussaaffigaa.”

Aalajangersagaq taanna pillugu oqaaseqaatinit makku erserput:

“Imm. 1-imut

Inuit ulloq unnuarlu paaqqinnittarfinni, ulloq unnuarlu neqeroorutini, najugaqarfinni illersugaasuni utoqqarnullu paaqqinnittarfinni sulisut, pissaanermik atuineq pillugu malittarisassat suut atuunnersut pillugit ilinniartinnejqarsimanissaat tunngaviusumik pisariaqarpoq.

Sulisunut nutaanut tamanut ilisarititsinermi taamaammat pissaanermik atuineq pillugu malittarisassat atorneqarnissaat eqqartorneqassapput. Tassani atorfinitstaanerup qanoq sivisutiginera apeqqutaanngilaq. Taamaammat piffissami killilimmi imaluunniit naatsorsuutigineqartutut sivikitsuinnarmik atorfinitstsinsinerni ilisarititsisoqassaaq.

Malittarisassanik tigusinini pissaanermillu atuineq pillugu sulilersup suliaqarfissaani pissaanermik atuineq pillugu malittarisassat pillugit pinngitsuugassaanngitsumik ilitsersuunneqarnini pillugit upternarsaammik allaganngorlugu sulisoq atsiussaaq.

Suliassaqarfinni pissaanermik atuiffiusuni sulisut, ulloq unnuarlu paaqqinnittarfinni, ulloq unnuarlu neqeroorutini aamma utoqqarnik paaqqinniffinni malittarisassat atorneqartut pillugit paasinninnissaat aalajangersakkami siunertarineqarpoq.

Sulisup Inatsisartut inatsisaata assilineranik taamaallaat tunineqarnera taamaammat naammanngilaq. Sulisoq malittarisassat atorneqarnissaannut aamma ilitsersorneqas-saaq, taamaalilluni sulisup malittarisassat najugaqarfinni ataasiakkaani atorneqarnissaat paassisammagu. Atsiorlugu upternarsaanermigut sulisup malittarisassanik tigusisimanini paasinnissimaninilu upternarsassavaa.

Imm. 2-mut

Suliassaqarfimmi naleqquttumi malittarisassat pillugit ilitsersuinermut akisussaasuu-neq aqtsisumiippoq imaluunniit taassuma tullersortaaniilluni. Aqtsisup ilitsersuinis-samik pisussaaffiup sulisunut allamut tunniussisinnaanera akornutissaqanngilaq. Naggataani sulisup Inatsisartut inatsisaannik tunineqarnissaa, sulisullu imaa atorne-qarnissaalu pillugit naammattumik ilitsersorneqarnissaa aqtsisup taassumaluunniit tullersortaata akisussaaffigaa."

5.2.3. Uanga naliliinera unaavoq pissaanermik atuisarneq pillugu inatsisip assi-linerata sulisunut tunniunneqartarnissaata pisussaaffiunerat pisortaqatigiit ilisi-masimanngikkaat.

Nalunaarusiaagallartoq manna tunngavigalugu kommunip uannut oqaatigivaa pisortaqatigiit aatsaat marts 2023-mi maluginialersimagaat pissaanermik atuineq pillugu inatsit nutaaq 1. januar 2023-mi atuutilersimasoq. Imatut paasivara utoqqaat illuanni pisortaqatigiit tamatuma kingornatigut inatsisip tamatuma piviusungortinneqarnissaa qanoq iliuuseqarfigilersimagaat.

Aamma kommunimit oqaatigineqarpoq sulilersut nutaat pissaanermik atuineq pillugu inatsisip assilineranik tunineqartartut. Kommunimit oqaatigineqarpoq sulisut atorfeqareersut suli pissaanermik atuineq pillugu inatsisip assilineranik suli tunineqarsimannngitsut.

Malugaara pisortaqatigiit pissaanermik atuisarneq pillugu inatsit utoqqarnik paaqqinniffinni sulisunut namminneq suliniuteqarnermikkut pikkorissaassutigisi-magaat. Tamanna pitsaasutut isigaara.

Aamma maluginiarpara kommuuni Isumaginninnermut Aqtsisoqarfimmit ilinniartitsisoqarnissaanik ujartuisut.

Imatut paasivara, kommuuni Ajarsivasimmilu pisortaqatigiit siunissami qularnaarniaraat pissaanermik atuineq pillugu inatsisip sulisunut tamanut tunniunneqassasoq, kiisalu aamma sulisut ilitsersorneqassasut inatsisip imaanik aamma atorneqarnissaanik.

Kommunip oqaaseqaataa tusaatissatut tiguara immikkoortortamullu tamatumunnga allamik iliuuseqaqqissanngilanga.

5.3. Nalunaarutiginninnerit

5.3.1. Utoqqarnik paaqqinniffik najugaqartullu pillugit allakkatigut paasissutissat assigiinngitsut misissuineq sioqqullugu Ajarsivasimmit tiguakka.

Ajarsivasiup allagai ilaatigut tiguakka, taakkunangalu erserpoq pissaanermik atuineq ataaseq 2022-mi nalunaarutigineqarsimasoq.

Allakkanit nassiunneqartunit taakkunannga aammattaaq erserpoq pissaanermik atuisarneq pillugu inatsit aatsaat 2022-ip naajartornerani atulersimagaa, taman-nalu suli ingerlasoq.

Kiisalu allakkanit taakkunannga erserpoq sulisut pissaanermik atuisarneq pillugu inatsit pillugu 2022-p naajartornerani pikkorissarneqarsimasut.

Pisortap misissuiartortunut oqaatigaa sulisut pissaanermik atuinernik nalunaarutiginnittarnermik pikkorissaanermi ilinniartinneqarsimasut, tamannali massakut sulinermi piviusunngortillugu suli atorneqanngitsoq.

Pisortap oqaatigaa pissaanermik atuineq annertusoq, pissaanermilli atuinerit nalunaarutigineqarneq ajortut. Pisortap ilimagaa pissaanermik atuinerit quliugaa-ngata marluinnaat nalunaarutigineqartartut.

Pisortalli tamatumunnga peqatigitillugu oqaatigaa pissaanermik atuineq 2022-mi ukiakkumiit annikilleriariarujussuarsimasoq.

Pisortaqtigiit periaatsimik nutaamik qanittukkut aallartitsisimapput, tassanilu anguniarneqarluni sulisut pisortaqtigiinnik attaveqarfinginnereersimatinnatik pissaanermik najugaqartunut atuisassanngitsut. Pisortalli oqaatigaa sulisut angunia-gaq taanna malinngikkaat.

Pisortap aammattaaq oqaatigaa immikkoortaqarfimmi pisortat nalunaarutiginninnermi immersugassamik tullianik immersuisoqalerpat peqataassasut immikkoortaqarfinni pisortanut isumaqtigiissutigineqarsimasoq.

Kiisalu pisortap oqaatigaa pissaanermik atuisarnermik nalunaarutiginninnermi periaaseq qulaajarniarlugu kommuni oqaloqatiginiarneqarsimagaluartoq, kommunili tamanna pillugu uterfiginnissimanngitsoq.

5.3.2. Pissaanermik atuisarneq pillugu inatsimmi § 38-kkut aalajangersarneqarpoq timikkut pissaanermik atuineq inerteqqutaanngitsoq, inuup timikkut annertuumik ajoquusernissamut imminut allanilluunniit ulorianartorsiortitsinissa ilimanavissumik aarlerinaateqarpat, pisunilu ataasiakkaani pissutsit tamanna pisariaqarluinnalersippassuk. Pissaanermik atuineq taamaattoq pisuni ataasiakkaani pissutsit tunngavigalugit naleqqussarneqassaaq aamma pisariaqarluinnartumit annertunerussanani, tak. § 38, imm. 2. Aalajangersakkat taakku imaattunik oqasertaqarput:

“**§ 38.** Timikkut pissaanermik atuineq inummik aalajangiilluni tigumminninnertut ilusilik, imaluunniit inimut allamut nuutsinertut ilusilik inerteqqutaanngilaq, imaattoqarpat:

- 1) inuup timikkut annertuumik ajoquusernissamut imminut allanilluunniit ulorianartorsiotsilernissa ilimanavissumik aarlerinaateqarpat, aamma
- 2) pisuni ataasiakkaani pissutsit tamanna pisariaqartilluinnarpassuk.”

Pissaanermik atuineq sunalunniit utoqqarnik paaqqinniffimmit nalunaarsorneqartussaavoq kommunimilu uninngavigisami communalbestyrelsime Naalakkersuisunullu nalunaarutigineqartussaallunilu, tak. pissaanermik atuisarneq pillugu inatsimmi § 48, imm. 1. Nalunaarutiginninnermi immersugassat immikkut ittut Naalakkersuisunit suliarineqarsimasut nalunaarsuinermi nalunaarutiginninnermi lu atorneqartartussaapput, tak. § 48, imm. 2.

Pissaanermik atuinissamut piginnaatitsissut siumut akuerisaq pigineqanngippat ingerlaannartumik kingusinnerpaamillu iliuuseqarfiginninnerup aqaguani nalunaarsuisoqartassaaq. Tamanna pissaanermik atuisarneq pillugu inatsimmi § 49, imm. 1, nr. 1-ikkut aalajangersarneqarpoq.

Pissaanermik atuinissamut piginnaatitsissut siumut akuerisaq pigineqanngippat pissaanermik atuinikkut iliuuseqarfiginninnerit nalunaarsorneqartut ingerlaanaq akuliunnerullu pineranit kingusinnerpaamik ullut pingasut qaangiutsinnagit

kommunimi uninngavigisami kommunalbestyrelsimit, kommunimut najugarivitamut aamma Naalakkersuisunut nalunaarutigineqartartussaapput, tak. pissaa-nermik atuisarneq pillugu inatsimmi § 49, imm. 2.

Aalajangiilluni tigumminninnermut, timikkut eqqiluisaarnermut, ujatsiutinik annoraaminernik atuinermut, kalerrisaareriaatsinik sumiiffissiueriaatsinillu inummut atasunik atuinermut, matunik ammaassutinik immikkut ittunik atuinermut inigisamillu anitsaaluiunermut atatillugu pissaanermik atuineq pineqarpak akuliunneq ingerlaannartumik kingusinnerpaamillu ullup akuliuffiusup aqaguani nalunaar-sorneqassaaq. Tamanna pissaanermik atuisarneq pillugu inatsimmi § 50, imm. 1-ikkut aalajangersarneqarpoq. Iliuuserineqartut nalunaarsorneqartut kommunimut uninngavigisamut, kommunimut najugarivitamut aamma Naalakkersuisunut qaammatikkaartumik nalunaarutigineqartartussaapput. Tamanna pissaanermik atuisarneq pillugu inatsimmi § 50, imm. 2-kkut aalajangersarneqarpoq.

5.3.3. Uanga naliliinera unaavoq Ajarsivasimmi pisortaqatigiiit pissaanermik atuisarneq pillugu inatsimmi pissaanermik atuinernik nalunaarutiginnittussaatitaa-neq pillugu malittarisassat naammattumik ilisimasaqarfinginngikkaat.

Oqaatigaara pisortap misissuartortunut oqaatigigaa pissaanermik atuineq assut annikilleriarsimasoq.

Paasissutissiissutigineqartulli tunngavigalugit manna tunngaviutittariaqarpara, tassalu siusinnerusukkut sulilumi aamma massakkut pisuni aalajangersimasuni pissaanermik atuisoqartarsimasoq atuisoqartartorlu, pissaanermillu atuinerit taakku pisut kingornisigut pissaanermik atuisarneq pillugu inatsimmi tamanna pillugu malittarisassat tunngavigalugit nalunaarutigineqartarsimannngitsut nalunaarutigineqartanngitsullu.

Nalunaarusiaagallartoq manna tunngavigalugu kommunimit uppernarsarneqarpoq pissaanermik atuinermik iliuuserineqartartorpassuit nalunaarsorneqartarsimannngitsut aamma nalunaarutigineqartarsimannngitsut.

Aamma kommunimit oqaatigineqarpoq pissaanermik atuinermi nalunaarsuisarneq aamma nalunaarutiginnittarneq maannakkut sapaait akunneri allortarlugit pisortaqtigiinni ataatsimiinnerni ilangunneqartartoq, taamaalillutik pisortaqtigiit ataavartumik pissaanermik atuineq pillugu periuseq isummerfigisarlugu.

Ajarsivasiup najugaqartuminut pissaanermik atuinernik pisimasunik piffissami sisivisunerusumi nalunaarsuisarsimannginnera nalunaarutiginnittarsimannginnera-lu isorisarialerujussuartut isigaara.

Kommunip oqaaseqaataa tunngavigalugu paasisara unaavoq, Ajarsivasimmi pisortaqtigiit pissaanermik atuineq pillugu nalunaarsuisarneq aamma nalunaarutiginnittarneq ukkatarigaat.

Kommunip oqaaseqaataa tusaatissatut tiguara immikkoortortarlu taanna pillugu allamik iliuuseqassanngilanga.

5.4. Timikkut eqqiluisaarnermut atatillugu pissaanermik atuinissamut siumut akuersissutit

5.4.1. Pisortap misissuartortunut oqaatigaa pissaanermik atuisarneq pillugu inatsit akuliunnissamut sunik periarfissiinersoq sulisut ilisimanngikkaat.

Pisortap oqaatigaa pisortaqtigiit kommunimut saaffiginnissimasut, timikkut eqqiluisaarnermut atatillugu pissaanermik atuinissamut siumut akuersissummik qinnuteqaammik tunniussinermi periaaseq apeqqutigalugu, kommunili tamanna pillugu uterfiginnissimanngitsoq.

Pisortap oqaatigaa Ajarsivasik timikkut eqqiluisaarnermut atatillugu pissaanermik atuinissamut siumut akuersissutinik atuuttunik massakkut peqanntsoq.

5.4.2. Pissaanermik atuisarneq pillugu inatsimmi § 39-kkut aalajangersarneqarpoq pisuni aalajangersimasuni inunniq aalajangiilluni tigumminninnikkut timikkut pissaanermik atuinissamut periarfissaqartoq, tamanna inuk timikkut eqqiluisaarneq eqqarsaatigalugu isumassorniarlugu pisariaqarluinnartutut isigineqarpat.

Taamaaliornissarli kommunimi najugarivitami kommunalbestyrelsimit siumut a-kuerineqareersimassaaq.

Pissaanermik atuisarneq pillugu inatsimmi § 39-kkut makku aalajangersarneqarput:

“§ 39. Inuttut eqqiluisaarnermut atatillugu pineqartup isumassorneqarnissaata isumaginissaanut tamanna pisariaqarluinnartutut isigineqarpat, najugaqarfimmi aqutsisup taassumaluunniit tullersortaata inummik aalajangiullugu tigumminninnertut ilusiler-lugu pissaanermik atuisinnaanera, kommunimi angerlarsimaffigisami kommunalbestyrelsip qaqtiguinnaq aalajangersinnaavaa. Inuttut eqqiluisaarnermut atatillugu pissaanermik atuinerup siunissami pinngitsoornissaa tamatuma peqatigisaanik qulak-keerniarneqassaaq.

Imm. 2. Imm. 1 malillugu timikkut pissaanermik atuineq tulliuttuni eqqiluisaartoqarnerani akuerineqarsinnaassaaq:

- 1) Kigutinik saliineq.
- 2) Unngiarneq.
- 3) Qulinneq, uffarneq atisanillu taarsiineq.
- 4) Nujaajartinneq kukiartinnerlu.
- 5) Nangernik nalequttanillu taarsiineq.
- 6) Ammimik paarsineq.
- 7) Ulussat iluini qarngullu iluani nerisat sinnikuunik piaaneq.

Imm. 3. Eqqiluisaartoqarnerani pissutsit piviusut suut aalajangiinermi pineqarnersut kommunalbestyrelsip aalajangiinerani erseqqissaatigineqassaaq.

Imm. 4. Aalajangiullugu tigumminninnermut ikiuititut atortunik atuisoqassanngilaq, taamaattoq § 40 takuuk, aamma aalajangiullugu tigumminneriaaseq taamatullu iliornikkut anguniagaasoq imminnut naleqqiullutik atsikkutigiissittussaapput.

Imm. 5. Aalajangersagaq manna malillugu timikkut pissaanermik atuineq piffissami qaammatit pingasut tikillugit sivisussusilimmi akuerineqarsinnaavoq. Imm. 2, oqaase-qatigiit aappaat malillugu kommunalbestyrelse piffissamik sivitsuisinnaavoq, qaammatinilli 6-inik sivisuneruningitsumik, pineqartumi eqqiluisaarnikkut pissutsit pitsaane-rulersinniarlugit periaatsit allat peqatigisaanik ineriertortinnejassammata.

Imm. 6. Inummi imm. 1 malillugu siusinnerusukkut aalajangiiffigineqareersimasumi, tarnikkut annertuumik ataavartumillu pisinnaasakillisimaneq suli ajorseriaateqaqqip-pat, pisuni eqqiluisaarnermut tunngasuni timikkut pissaanermik atuineq aalajangiullugu tigumminninnertut ilusilik, qaammatit 3 tikillugit atuuttussamik akuersissutigeqqinqeqarsinnaavoq, piffissallu taassuma qaammatit 6 tikillugit sivitsorneqarsinnaanera periarfissaavoq.”

5.4.3. Utoqqarnik paaqqinniffimmi najugaqartoq pisariaqarneratut paaqqutari-sinnaajumallugu isumassorsinnaajumallugulu pinngitsaaliinermik atuisariaqarfiusnik pisoqarsinnaasarnera paasisinnaavara.

Erseqqissumilli aalajangiisuuusoq unaavoq utoqqarnik paaqqinniffimmi sulisut na-jugaqartunut pissaanermik taamaallaat inatsimmik unioqqutitsinatik atuisarnisaat, pissaanermillu taamatut atuinerup najugaqartut inatsiseqartitsinikkut in-narlitsaolineqarnerat pissusissaatut isiginiarlugu pisarnissaat.

Nalunaarusiaagallartoq manna tunngavigalugu kommunimit oqaatigineqarpoq kommunalbestyrelsimum suliap saqqummiunnissaa sulissutigineqartoq.

Ajarsivasiup timikkut eqqiluisaarnermut atatillugu pissaanermik atuinissamut kommunimi najugarivitami communalbestyrelsimit siumut akuersisummit pe-qarnerluni qulakkeeqqaarnagu tamatumunnga atatillugu pissaanermik atuisarne-ra isorisarialittut isigaara.

Imatut paasivara, kommuни suliniummik aallartitaqarsimasoq qularnaarinnittussamik pissaanermik atuineq pillugu inatsisip malinneqarnissaanut.

Ajarsivasiup pissaanermik atuisarneq pillugu inatsimmi pissaanermik atuinissamut siumut akerineqartarneq pillugu malittarisassat malissagai inassutigaara, matumani pissaanermik atuinissamut siumut akuersisummit qinnuteqaateqar-nermi periaaseq pillugu kommunimik suleqateqarneq ilanngullugu eqqarsaatiga-lugu.

5.5. Puigortunngortunut immikkoortortaqarfimmi malussarniut

5.5.1. Pisortap misissuiartortunut oqaatigaa puigortunngortunut immikkoortor-taqarfip matuata silarliup killingani malussarniut ikkunneqarsimasoq, taamaa-lilluni najugaqartup immikkoortortaqarfimmik qimatsinera sulisunit sapinngisa-mik pilertornerpaamik paasineqarsinnaalersillugu.

Pisortap oqaatigaa malussarniutip ikkunneqarnissaanut akuersissut kommunal-bestyrelsimum qinnutigineqarsimanngitsoq.

Malussarniut taanna misissuiartortut Ajarsivasimmi angallanneqarnerminni pui-gortunngortunut immikkoortortaqaarfimmi takunngilaat.

5.5.2. Pissaanermik atuisarneq pillugu inatsit kalerrisaareriaatsinik inunnut ataasiakkaanut atugassanik atuisoqarsinnaaneranut ilaatigut periarfissiivoq.

Pissaanermik atuisarneq pillugu inatsimmi § 41-kkut ilaatigut makku aalajanger-sarneqarput:

“§ 41. Najugaqaarfimmi aqtsisoq taassumaluunniit tullersortaa, systeminik kalerrisaarutinik [...] inunnut ataasiakkaanut atugassianik piffissami killilikkami atuisinnaanerat kommunimi angerlarsimaffigisami communalbestyrelsip aalajangiiffigisinnavaa, imattoqartillugu:

- 1) meeqqap najugaqaarfimmik qimatsinerigut imminut allanilluunniit timikkut ajoqu-sernissamut ulorianartorsiortitsilernissaa aarlerinaateqarpat,
- 2) pisuni ataasiakkaani pissutsit aarlerinartup tamatuma pinngitsoortinnissaanut pisa-riaqartippassuk.

Imm. 2. Atortut inuup inigisamit qimatsineranik maluginnissinnaasut [...] imm. 1 malillugu systeminik kalerrisaarutinik systeminilluunniit sumiiffissiutinik inunnut ataasiakkaanut atugassianik utaqqiisaagallartumik atuisinnaanermut aalajangiisinnanaer-mi taamaallaat ilaatinneqarput.

Imm. 3. Pineqartup akerlerinngippagu, inummut eqqarsartaatsikkut sanngiillisima-nerup kinguneranik tarnikkut pisinnaasakillisimanerup ajorsiartortup kinguneranik pi-sinnaasakillisimasumut, systeminik kalerrisaarutinik [...] atuineq aallartinneqarsinnaa-voq. Inuup systeminik kalerrisaarutinik systeminilluunniit sumiiffissiutinik inunnut ataasiakkaanut atugassianik atuinissaq akerlerippagu, imm. 1 malillugu taakku ator-neqarnissaat communalbestyrelsip aalajangiiffigisinnavaa. Uniffiup aappaa malillugu aalajangiinerup piffissami killiligaanngitsumi atuunnissaa aalajangerneqarsinnaa-voq. Taamaattoq suliniut pillugu aalajangiinermi piumasaqaatit atuukkunnaarpata, suliniut unitsinneqassaaq.”

5.5.3. Paasisara unaavoq puigortunngortunut immikkoortortaqaarfimmi malus-sarniut kalerrisaareriaatsitut atorneqartoq, kalerrisaareriaaserlu taanna najuga-qartunut aniniartartunut atorneqartussatut naatsorsuutigineqartoq. Tamatumun-ngali peqatigitillugu paasisara unaavoq malussarniutip najugaqartut puigortunngortunut immikkoortortaqaarfimmit anisut tamarmik, imaaginnanngitsoq najuga-qartut ataasiakkaat, nalunaarsortarai.

Uanga tamanna tunngavigalugu naliliinera unaavoq maluginiut inummut ataasiinnarmut malussarniutitut atorneqarani ataatsimullu kalerrisaareriaatsitut atorneqartoq.

Immikkoortumi 5.1.1-imi oqaatigineqartutut pissaanermik atuisarneq pillugu inatsimmi malittarisassat sukumiisuupput, taamaattumillu akuliunnerit inatsimmi erseqqissumik taaneqartut kisimik atorneqarnissaat periarfissaavoq.

Uanga tamanna tunngavigalugu nalilinera unaavoq ataatsimut kalerrisaareriaaseq pissaanermik atuisarneq pillugu inatsit malillugu tassaasoq inatsimmik unioqqutitsilluni akuliunneq.

Uangali naliliinera unaavoq malussarniut inuk ataaseq eqqarsaatigalugu kalerrisaareriaatsitut atorneqarsinnaasoq, puigortunngortunut immikkoortortaqarfimmi najugaqartut ataasiakkaarlugit siumut akuersissutinik peqartoqarpat.

Nalunaarusiaagallartoq manna tunngavigalugu kommunimit oqaatigineqarpoq, suliap communalbestyrelsimit saqqummiunneqarnissaa sulissutigineqartoq.

Peqatigitillugu kommunimit oqaatigineqarpoq isumaginninnermi pisortamit malussarniut akuerineqarsimasoq. Uanga naliliinera malillugu akuersineq naammanngilaq, tassami pissaarnermik atuineq pillugu inatsimmi § 41, imm. 1-imi ersersinneqarmat communalbestyrelsimit akuerineqaqqaassasut inunnut ataasiakanut malussarniutit.

Ajarsivasiup puigortunngortunut immikkoortortaqarfimmi kalerrisaareriaatsimik kommunimi najugarivitami communalbestyrelsip siumut akuersissutaanik peqarani atuinera isorisarialittut isigaara.

Ajarsivasiup malussarniummik ataatsimut kalerrisaareriaatsitut kommunimi najugarivitami communalbestyrelsip siumut akuersissutaanik peqarani atuinera isorisarialittut aammattaaq isigaara.

Ajarsiaavasiup malussarniut atorunnaassagaa inassutigaara. Inuit ataasiakkaat eqqarsaatigalugit kalerrisaarereriaatsinik suli pisariaqartitsisoqarnersoq Ajarsiasiup isumaliutersuutigissagaa kaammattuutigaara.

Inassuteqarpunga Ajarsivasimmi pissutsit aaqqiivigineqassasut pissaanermik atuineq pillugu inatimmi malittarisassat malillugit, tassunga ilanngullugu communalbestyrelsip akuersissutaa piniarneqassaaq.

5.6. GPS-imik atuineq

5.6.1. Pisortap misissuiartortunut oqaatigaa GPS-imik najugaqartumut ataatsimut aniniartartarujussuarmut atugassamik pisisoqarsimasoq.

Pisortap oqaatigaa GSP taanna najugartup qaatiguuanut ikkunneqarsimasoq, najugaqartullu tamanna akerlilersorsimanngikkaa.

Pisortap tamatumunnga atatillugu oqaatigaa GPS ikumajuaannartoq, najugartulu sumiinnersa GPS-ip minutsit tallimakkaarlugit nalunaarsortaraa.

Pisortap oqaatigaa GPS-ip atorneqarnissaanut akuersissut najugaqartup kommunitut najugarivitaanit pissarsiariniarneqarsimanngitsoq.

5.6.2. Pissaanermik atuisarneq pillugu inatsit ilaatigut kalerrisaarummik inummut ataatsimut naatsorsuussamik atuinissamut periarfissiivoq.

“§ 41. Najugaqarfimmi aqutsisoq taassumaluunniit tullersortaa, [...] systeminilluunniit sumiiffissiutinik inunnut ataasiakkaanut atugassianik piffissami killilikkami atuisinnaanerat kommunimi angerlarsimaffigisami communalbestyrelsip aalajangiiffigisinnaavaa, imaattoqartillugu:

2) meeqqap najugaqarfimmik qimatsinermigut imminut allanilluunniit timikkut ajoqu-sernissamut ulorianartorsiortitsilernissaa aarlerinaateqarpat,

2) pisuni ataasiakkaani pissutsit aarlerinartup tamatuma pinngitsoortinnissaanut pisariaqartippassuk.

Imm. 2. Atortut [...] inuup inigisamit qimatsisimasup nassaarinissaanut atorneqarsinnaasut imm. 1 malillugu [...] systeminilluunniit sumiiffissiutinik inunnut ataasiakkaanut atugassianik utaqqiisaagallartumik atuisinnaanermut aalajangiisinnanaanermi taamaallaat ilaatinneqarput.

*Imm. 3. Pineqartup akerlerinngippagu, inummut eqqarsartaatsikkut sanngiillisimane-
rup kinguneranik tarnikkut pisinnaasakillisimanerup ajorsiartortup kinguneranik pi-
sinnaasakillisimasumut, [...] systeminilluunniit sumiiffissiutinik inunnut ataasiakka-
nut atugassianik atuineq aallartinneqarsinnaavoq. Inuup [...] systeminilluunniit su-
miiffissiutinik inunnut ataasiakkaanut atugassianik atuinissaq akerlerippagu, imm. 1
malillugu taakku atorneqarnissaat communalbestyrelsip aalajangiiffigisinnaavaa. Unif-
fiup aappa malillugu aalajangiinerup piffissami killiligaannngitsumi atuunnissaa aalaja-
ngerneqarsinnaavoq. Taamaattoq suliniut pillugu aalajangiinermi piumasaqaatit
atuukkunnaarpata, suliniut unitsinneqassaaq."*

5.6.3. Paasisara unaavoq inummik ataatsimik sumiiffissiutip najugaqartup inigi-
sami avataani ingerlanerinnaa nalunaarsortanngikkaa, GPS-illi najugaqartup su-
miin-era ingerlaavartumik, minutilli tallimakkaarlugit kingumut, nalunaarsorta-
raa.

Tamanna tunngavigalugu paasisara unaavoq kalerrisaarerriaaseq najugaqartup
ingerlaneranik ataavartumik nakkutiginninnermut atorneqarsinnaasoq pineqar-
toq.

Uanga naliliinera unaavoq taamaaliornissamut pissaanermik atuisarneq pillugu
inatsimmi malittarisassani inatsisikkut tunngavissaqanngitsoq, tak. § 41, imm. 2.

Innuttaasup pineqartup pisinnaasaqassutsimigut anikilleriarsimanera najugaqar-
tup kommunimut najugarivitaani communalbestyrelsip akuersissutaanik pissaan-
ermik atuisarneq pillugu inatsimmi § 41, imm. 3 tunngavigalugu pissarsiniar-
nissap pisariaqartinneqarunnaarneranut pissutaasinnaanersoq naliliinissamut
tunngavissanik pisariaqartunik peqanngilanga.

Malugeqqullugili oqaatigaara kalerrisaarerriaatsinik teknikkikkulluunniit atortuler-
suutinik allanik atuinerup isumaginninnermi perorsaanikkut suliniuteqarneq taar-
sertussaanngikkaa, imaluunniit najugaqartup puigortunngortup sulisullu toqqar-
tumik attaveqatigiinnerannut taartaassanngitsoq.

Nalunaarusiaagallartoq manna tunngavigalugu kommunimit oqaatigineqarpoq
GPS-it atorneqarnissaat ingerlatsinermi pisortaq aamma isumaginninnermi
pisortaq peqatigalugit eqqartorneqarsimasoq.

Peqatigitillugu kommunimit oqaatigineqarpoq kommunimi isumaginninnermi pisortamit GPS-ip atorneqalernissaa akuerineqarsimasoq. Uanga naliliinera unaavoq, akuersineq taanna naammanngitsoq, tassami pissaanermik atuineq pillugu inatsimmi § 41, imm. 1-imi ersersinneqarmat inunnut ataasiakkaanut malussarniutit atorneqarnissaat communalbestyrelsimit akuerineqaqqassasut.

Ajarsivasiup kalerrisaareriaatsimik najugaqartup ingerlaneranik ataavartumik nakkutilliissutitut taamaaliornissaminut inatsisikkut tunngavissaqarani atuinera isorisarialittut isigaara.

Najugartoq sumiiffissiummik atortulissallugu pisariaqartinneqartoq Ajarsivasik naliliiguni pissaanermik atuisarneq pillugu inatsimmi malittarisassat tunngavigalugit taamaaliussasoq inassutigaa, tassunga ilanngullugu communalbestyrelsip akuersissutaa.

5.7. Pulaartoqarnissamik killilersuineq

5.7.1. Pisortap misissuiartortunut oqaatigaa najugaqartut pulaartoqarnissamut periarfissaat Ajarsivasiip nalinginnaasumik killilersorneq ajorai.

Pisortalli pisoq tamatumunnga peqatigitillugu oqaluttuaraa, tassanilu oqaatigalugu najuqartumut ilaquaasoq aalajangersimasoq inini ataatsimoortarfinneeqqu-saajunnaarsimasoq. Pisortap erseqqissaatigalugu oqaatigaa ilaquaasoq taanna najugaqartup ineeraani isersimanissaminut suli periarfissaqartoq.

Pisortap nassuaatitut oqaatigaa ilaquaasup taanna tarnikkut nappaatiliusoq, najugaqartunullu allanut akornutaasartoq, DVD-nimmi najugaqartunut allanut tuniniaaniarsarisarami.

Pisortap oqaatigaa pulaarnissamut killilersuinermut tassunga kommunimi uninngavigisami communalbestyrelsip akuersissutanik pissarsiniartoqarsimannngit-soq.

5.7.2. Pissaanermik atuisarneq pillugu inatsimmi § 44-kkut aalajangersarneqarpoq utoqqarnik paaqqinniffinni najugaqartut kimit pulaarneqarnissartik namminneq aalajangissagaat.

Pisunili aalajangersimasumi pulaartut aalajangersimasut ininut ataatsimoortarfinnut isersinnaanerisa killilersornissaannut periarfissaqarpoq.

Pissaanermik atuisarneq pillugu § 45-kkut makku aalajangersarneqarput:

“§ 45. Najugaqarfinni § 44-mi taaneqartuni ininut ataatsimoorussanut pulaartut ilaa-
sa isersinnaanerat killilersorneqassasoq, kommunimi najugaqarfigisami communalbe-
styrelsip aalajangersinnaavaa, imattoqarpat:

- 1) pulaartoq najugaqartunut allanut sulisunulluunniit nakuuserpat nakuusernissamil-
luunniit qunusaarippat, imaluunniit allatut najugaqartut sinnerinut sulisunulluunniit u-
lorianartorsiortsismik pissusilfersuuteqarpat,
- 2) pulaartoq, timikkut nakuuserneq pineqanngikkaluartoq, najugaqartunut allanut su-
lisunulluunniit ajoquersuippat imaluunniit nakkarsaappat, imaluunniit
- 3) pulaartup pissusilfersornera annertuumik uumitsatsitsippat imaluunniit najugaqar-
tunut allanut sulisunullu nalinginnaasumik toqqisisimannginnermik pilersitsippat.

*Imm. 2. Pulaartup inigisap ilaanut najugaqartup kisimi atorsinnaasaanut isersinnaa-
nissaa communalbestyrelsip imm. 1 malillugu aalajangiinermini qulakkiissavaa.”*

Pissaanermik atuisarneq pillugu inatsimmi § 45 pillugu oqaaseqaatinit erseroq pulaartup inini ataatsimoorussani pulaarsinnaanerata killilerneqarnissaanik aala-
jangiineq pulaartup pineqartup pulaarnerminik inigisap ilaani najugaqartup kisimi aalajangiivigisinnaasaani ingerlatsisarsinnaaneranut akornutaanngitsoq. Tassa imaappoq pulaartoq inigisap ilaani najugaqartup init ataatsimoortarfiut sania-
tigut kisimi aalajangiivigisinnaasaaniinnaq pulaarsinnaatitaappat arlaatigut aaq-
qiisoqartariaqartoq. Taamatut aaqqissutissanik nassaarniarnissaq sulisut pisus-
saaffigaat.

Pisuni massakkorpiaq pisariaqartitsineq eqqarsaatigalugu communalbestyrelsip suliamik suliarinninnissaa utaqeqarsinnaangippat paaqqinniffiup pulaarsin-
naanermik killilersuineq pillugu aalajangiigallarnissaanut periarfissaqarpoq. Aala-
jangiigallernerli taamaattoq communalbestyrelsimit akuerisassanngortillugu aalajangiinerup atuutilersinneqarnerata kingornatigut sapinngisamik pilertorner-
paamik saqqummiunneqartariaqarpoq. Tamanna pissaanermik atuisarneq pillugu inatsimmi § 47-kkut aalajangersarneqarpoq.

5.7.3. Paasisara unaavoq ilaquaasup pineqartup pulaarsinnaanerata killilerneqarnera sioqqullugu tamatumaluunniit kingornatigut kommunalbestyrelsip akuersissutaa pissarsiariniarneqarsimannngitsoq.

Ilaquaasup pineqartup pissusilersornera pissaanermik atuisarneq pillugu inatsimmi § 45, imm. 1, nr. 1-imit 3-mut pineqartunut ilaatinneqarnersoq paasisutissat pigineqartut aallaavigalugit nalilersinnaanngilara.

Nalunaarusiaagallartoq manna tunngavigalugu kommunimit oqaatigineqarpoq, Ajarsivasimmi pulaartoqartarnissamut killilersuineq atorunnaarsimasoq.

Ajarsivasiup kommunimi uninngavigisami communalbestyrelsip akuersineranik pissarsiniaqqaaranii ilaquaasup ininut ataatsimoortarfiusunut isersinnaatitaaneranik killilersuisimanera isorisarialittut isigaara.

Kommunip oqaaseqaataa tusaatissatut tiguara allamillu iliuuseqaqqissnngilanga.

5.8. Allakkat

5.8.1. Pisortap misissuiartortunut oqaatigaa najugaqartut allagarsiassaat nاجugaqartunut pineqartunut aallaavittut agguaanneqartartut. Pisortap oqaatigaa sulisut allakkanik ammarneqarneq ammaaqqusaanngitsut.

Pisortalli tamatumunnga peqatigitillugu oqaatigaa najugartut allagarsiassaat najugaqartunut tunniuneqartuaannarneq ajortut. Pisortap nassuaatitut oqaatigaa taakku tassaagajuttut akissarsiat allagartaat.

Pisortap pisoq taamatuttaaq oqaluttuaraa, tassani allakkat inissiaatileqatigiiffimeersut najugaqartoq akuersitinnagu ammarneqarsimallutik. Pisortap nassuaatitut oqaatigaa allakkanik tigisisussaq sakkortuumik puigortunngortuusoq, taamaattumillu allakkat ammarneqarsimallutik najugaqartoq aningaasatigut soqutigisaminik isumaginninniarnerani ikorumallugu.

Allakkat najugaqartunut tunniutinngitsoorneqartassanngitsut kiisalu allakkanik najugaqartut akuersitinnagit ammaasoqartannnginnissaa pisortaqtigiiit sulisunut erseqqissarsimavaat. Pisortalli oqaatigaa allakkanik ammarneqarsimannngitsunik

najugaqartunullu tunniunneqarsimannngitsunik suliani ilaanneeriarluni nassaas-saqartartoq.

5.8.2. Najugaqartut allagarsiassaat tunniutinngitsoorneqarsinnaasut najugaqtumulluunniit allakkat najugartoq akuersitinnagu ammarneqarsinnaasut pissaa-nermik atuisarneq pillugu inatsimmi kapitali IV-kkut aalajangersarneqanngilaq.

Immikkoortumi 5.1.2-mi oqaatigineqartutut pissaanermik atuisarneq pillugu i-natsit sukumiisuuvoq. Taamaattumik najugaqartumut pissaanermik atuisarneq pillugu inatsimmi aalajangersarneqartut saniatigut akuliuffiginninnissamut periarfissaqanngilaq.

Oqaatigaara Tunngaviusumik Inatsimmi § 72-ikkut aalajangersarneqartoq inigisaq ajortumiitsaaliugaalluinnassasoq. Tassa ilaatigut imaappoq allagarsiassanik arsaarinninneq misissuinerlu inatsisikkut tunngavissaqarani eqqartuusivilluunniit aalajangiinngippat pisinnaanngitsut.

5.8.3. Allakkanik tunniussinngitsoortarneq najugaqartorlu akuersitinnagu ammaasарneq periaasiunersoq massakkut atorneqartoq periaaserluuniit taanna atorneqarunnaarsimanersoq naliliinissannut periarfissaqanngilanga.

Isumaqpungali allakkanik tunniussisannginnissamut allakkanilluunniit najugaqartoq akuersitinnagu ammaanissamut pissaanermik atuisarneq pillugu inatsisikkut tunngavissaqanngitsoq.

Nalunaarusiaagallartoq manna tunngavigalugu kommunimit oqaatigineqarpoq, allakkat tamarmik sulisunit ammarneqaqqaaratik najugaqartunut tunniunneqartartut.

Aamma kommunimit oqaatigineqarpoq suli siusinnerusukkulli allakkat tiguneqarnikut inuttavimminut apuutassanik peqartoq.

Pissaanermik atuisarneq pillugu inatsimmi taamatut akuliunnissamut tunngavissaqanngikkaluartoq Ajarsivasiup allakkanik tunniussinngitsoortarsimanera ammaasarsimaneralu isorisarialittut isigaara, naak pissaanermik atuineq pillugu

inatsit malillugu taamatut akulerunnissamut inatsisitigut tunngavis-saqanngikkaluartoq.

Imatut paasivara, siunissami kommunimit qulakkeerniarneqartoq allakkat uninngatinneqartarnissaat, aamma siusinnerusukkulli allakkat uninngatinneqarsimasut inuttassaviinut apuunneqassasut.

Kommunip oqaaseqaataa tusaatissatut tiguara immikkoortortamullu tamatumunnga allamik iliuuseqassanngilanga.

5.9. Torersaaneq

5.9.1. Pisortap oqaatigaa najugaqartut ilaat "pigisanik katersiinnalersartut" ineeqqatillu torersuutikkuminaatsilersaraat. Pisortap tamatumunnga atatillugu oqaatigaa najugaqartut ilaasa ineeraat piffissami sivisunerusumi tukaannaleraangata sulisut torersartaraat pigisallu taamaattut eqqartaraat.

Pisortap oqaatigaa najugaqartup taamaaliornissamut akuersisimera akuersismanninneraluunniit apeqqutaatinnagu torersaasoqartartoq.

5.9.2. Immikkoortumi 5.1.2-mi oqaatigineqartutut pissaanermik atuisarneq pillugu inatsit sukumiisuuvoq, taamaattumillu pissaanermik atuisarneq pillugu inatsimmi aalajangersarneqartut saniatigut akuliuttoqarsinnaanani.

Oqaatigaara najugaqartut Ajarsivasimmi ineeraat najugaqartut namminerisamminik angerlarsimaffigigaat, kiisalu najugaqartut pigisaat najugaqartut namminneq pigisarigaat. Oqartussaasoq inatsisiliortunit taamaaliornissamut pigin-naatinneqarsimaguni aatsaat innuttaasunut aalajangiisinnavaavoq.

Najugaqartut ineeraannik torersaanissamut najugaqartulluunniit pigisaanik najugartoq akuersitinnagu eqqaanissamut pissaanermik atuisarneq pillugu inatsimmi tunngavissaqanngilaq.

5.9.3. Najugaqartut ineeqqaminnik torersuutitsiniarneranni sulisut ikuukkusunerat paasisinnaavara.

Uangali naliliinera unaavoq taamatut akuliunnermik aallartitsinissamut inatsisik-kut tunngavissaqanngitsoq.

Nalunaarusiaagallartoq manna tunngavigalugu kommunimit oqaatigineqarpoq najugaqartut akuersiseqqaarnagit inaannik iluarsaassisoqartarunnaarnikuusoq.

Najugaqartut ineeraanni sulisut najugaqartunik taamaaliornissamut siumut a-kuersisitseqqaaratik torersaasarsimancerat pigisanillu eqqaasarsimancerat isorisa-rialittut isigaara.

Kommunip oqaaseqaataa tusaatissatut tiguara immikkoortortarlu tamanna pillugu iliuuseqaqqissanngilanga.

5.10 Naneruutit

5.10.1. Paaqqinniffimmi malittarisassat assilineri Ajarsivasiup misissuineq sioq-qullugu uannut nassiuppai.

Paaqqinniffiup malittarisassaanit erserpoq najugaqartut ineeraanni naneruutinik ikumatitsisoqaqqusaanngitsoq.

Pisortap pisimasoq oqaluttuaraa, tassanilu najugaqartup ineqqamini naneruutit 35-t ikitersimavai. Sulisut najugaqartoq oqarfigisimavaat naneruutinik ikumatit-sisoqaqqussanngitsoq, naneruutillu supoorlugit qamitersimallugit.

5.10.2. Immikkoortumi 5.9.2-mi oqaatigineqartutut najugaqartut ineeraat naju-gaqartut namminerisamittut angerlarsimaffigaat.

Qulaani taamatuttaaq oqaatigineqartutut pissaanermik atuisarneq pillugu inatsit sukumiisuuvoq, taamaattumillu pissaanermik atuisarneq pillugu inatsisikkut tun-gavissalerneqanngitsunik akuliuttoqarsinnaanani.

Najugaqartut naneruutinik ikumatitsinissaminut periarfissaannik killilersuinissa-mut pissaanermik atuisarneq pillugu inatsimmi tunngavissaqanngilaq.

Oqaatigaara paaqqinniffiup ingerlanissaanut pisariaqartunik ataatsimut malittarisassanik aalajangersaanissamut pisunilu aalajangersimasunik aalajangiinissamut periarfissaqartoq. Malittarisassat taamaattut aaqqissuussaanermut tunngasunik taaneqartarput. Innuttaasulli kiffaanngissuseqarsinnaatitaanerisa, matumani Tunngaviusumik Inatsit aamma Inuit Pisinnaatitaaffii pillugit Europami Isumaqtigiissut ilanngullugit eqqarsaatigalugit, ilaatigut manna nassataraat, tassalu aaqqissuussaanermut tunngasut inatsisikkut tunngavittut atornissaannut periarfissaq arlalitsigut killilersuiffigineqartoq.

5.10.3. Ajarsivasiup najugaqartut naneruutinik ikumatitsinikkut ikuallattoorsinnaanermut illorsorneqarnissaannik kissaateqarnera paasisinnaavara.

Paaqqinniffiulli malittarisassai atuutsinneqassappata taakkua aalajangersarnissaannut pissaanermik atuisarneq pillugu inatsimmi aaqqissuussaanermulluunniit tunngasuni inatsisikkut tunngavissaqarnissaat piumasaqaataavoq.

Najugaqartut namminneq ineqqaminni naneruutinik ikumatitsinissaannik inerteqquqarnissamut inatsisikkut tunngavissaqanngitsoq takusinnaavara.

Nalunaarusiaagallartoq manna tunngavigalugu kommunimit oqaatigineqarpoq, tikilluaqqusinermi naqitami naneruutinik atueqqusinnginnejq ilaatinneqarunnaarsimasoq. Tassunga atatillugu kommunimit oqaatigineqarpoq najugaqartut inaanni naneruutinik atueqqusinnginnejq atorunnaarsimasoq.

Ajarsivasiup paaqqinniffimmi malittarisassanik taamaaliornissamut inatsisikkut tunngavissaqarani najugaqartut ineraanni atuutsitsisimanera isorisaralittut isigaara.

Kommunimit oqaaseqaat tusaatissatut tiguara immikkoortortamullu tamatumunnga qanoq iluuseqaaqqissanngilanga.

6. Kommunimik suleqateqarneq

Pisortap misissuinermi oqaatigaa kommunip ingerlatsivianik suleqateqarneq pisortaqtigiinnut assut ajornartorsiutissaqartitsillunilu kipiluttunartuusoq. Oqalo-

qatigiittooqartannnginnera misigisimaneqarpoq, ingerlatsivimmillu suleqateqarneq "iikkamut aportarnertut" oqaluttuarineqarluni.

Pisortap oqaatigaa ingerlatsivimmut saaffiginnissutit akineqartannginnerat imaliunniit ingerlatsiviup neriorsuereersimagaluarluni pissutsinik kingusinnerusukkut iliuuseqarfiginnittannginnera misigineqartartoq.

Pisortap assersuutitut oqaatigaa pissutsit assigiinngitsut pillugit ernummateqarluni allakkat marluk nassiunneqarsimasut, taakkulu akineqarsimanngitsut.

6.1. Pisortap taamatuttaaq oqaatigaa pisortaqtigii ingerlatsivimmut arlaleriarlutik saaffiginnittarsimasut, pissaanermik atuisarneq pillugu inatsimmi aalajangersakkat, pissaanermik atuisarneq, pissaanermik atuinissamut siumut akuersissuteqartarnerup pissaanermillu atuinernik nalunaarutinnittarnerup ingerlasarneri il.il. eqqarsaatigalugit ilitsorsorneqarnissaq tunaartarisassanillu pissarsinisaq anguniarlugu. Pisortap aamma oqaatigaa ingerlatsivik saaffiginnissutinut akissuteqarneq ajortoq erseqqarluttunilluunniit akissuteqartartoq.

Pisortap aamma oqaatigaa pissaanermik atuisarneq pillugu inatsimmi aalajangersakkat ilaasa malinneqartannginnerat pisortaqtigii ilisimagaat. Pisortaqtigii ilaatigut tamanna tunngavigalugu ingerlatsivimmut saaffiginnittarsimapput siunnersorneqarumallutik ilitsorsorneqarumallutillu, saaffiginnissutilli taakku akineqartarsimanngillat. Pisortaqtigii pissaanermik atuisarneq pillugu inatsit eqqarsaatigalugu sulinerisa allanit nakkutigineqannginnerat ernumassutigaat, tamannalu ernummatigigitsik oqaatigalugu.

Pisortap misissuartortunit aperineqarluni oqaatigaa Ajarsivasimmit nalunaarutiginninnernik piffissami sivisunerusumi sooq takkuttoqartarsimannginnersoq paasiniarlugu pisortaqtigii ingerlatsivimmit attaveqarfigineqarsimanngissaannarut.

6.2. Pisortap misissuinermi taamatuttaaq oqaatigaa nakkutilliisuliinissamik/nammineersinnaassusiaanissamik qinnuteqarnermi periaaseq pisortaqtigii ilismanngikkaat. Pisortaqtigii tamanna ingerlatsivimmut paasiniarsimagaluarpaat, akissummilli tigusaqarsimanatik.

Pisortap aammattaaq oqaatigaa pisortaqtigiit naliliisut misissuinerup nalaani najugaqartut sisamat-tallimat missaasa nakkutilliisulerneqarnissaat naleqquttuu-sussaasoq.

6.3. Pisortap aammattaaq oqaatigaa pisortaqtigiit aningaasaqarnermik naatsor-suuserinermillu ingerlatseriaaseq kommunimit allanngortinneqarmalli taassuma atornissaa pisortaqtigiit nalulersimgaat. Pisortaqtigiit ingerlatseriaatsimik iliniartinneqalaarsimapput, tamakkiisumilli suli ilikkarsimanagu. Ajarsivasiup ukioq manna missingersuutaanik atuineranillu pisortaqtigiit massakkut malinnaavigin-nissinnaajunaarnerat tamatuma nassatarisimavaa. Pisortaqtigiit ajornartorsiu taanna ingerlatsivimmut arlaleriarlutik saaffiginnissutigisarsimagaluarpaat, aki-neqartarsimanatilli.

6.4. Nalunaarusiaagallartoq manna tunngavigalugu kommunimit oqaatigineqarpoq naatsorsuuserinermut periuseq nutaaq pillugu akineqassasoq. Aamma kommunimit oqaatigineqarpoq kommuni pissaanermik atuineq pillugu inatsimmik atuilernissami piviusunngortitsinissamut tapersorsorneqarnissamik oqaloqateqarnissamillu amigaateqartoq.

Pisortap ingerlatsivimmik attaveqarfinginninneq suleqatiginninnerlu pillugit oqaatigisai ernumanartutut isigaakka. Pingaartumik pissaanermik atuisarneq pillugu malittarisassat qanoq atorneqarnissaannik qanorlu paasineqarnissaannik saaf-figinnissutit suli akineqarsimanginnerannik pisortaqtigiit paasissutissiissutigisaat ernumanartutut isigaakka. Oqaatigaara kommunip paaqqinniffiutaasa pissaanermik atuisarneq pillugu inatsimmi malittarisassani pineqartunut ilaatinne-qartut malittarisassat taakku pillugit pisariaqartunik ilisimasaqarnissaat ingerlat-siviup akisussaaffigisussaagaa.

Ajarsivasimmi pisortaqtigiit kiisalu kommunimi ingerlatsiviup naleqquttumik su-leqatigiinnerup pilersinneqarnissaa suliniutigissagaat kaammattutigaara.

Kommunip ataani paaqqinniffit pissaanermik atuisarneq pillugu inatsimmi malit-tarisassani pineqartunut ilaatinneqartut malittarisassat taakku pillugit pisariaqar-

tunik ilisimasaqalernissaat ingerlatsiviup pilertornerpaamik qulakkiissagaa aammattaaq kaammattuutigaara.

Kommunip oqaaseqaatai tusaatissatut tiguakka immikkoortortarlu pillugu allamik iliuuseqaqqissanngilanga.

7. Ajarsivasimmi sulisut

Ajarsivasiip allagai misissuineq sioqqullugu tiguakka, taakkunani lu Ajarsivasiup suliatigut pingaarnertut ajornartorsiutai ilaatigut allaaserineqarput. Taakkunani ilaatigut oqaatigineqarpoq suliatigut ajornartorsiut annertunerpaaq tassaasoq sulisunic ilinniarsimasunik amigaateqarneq kiisalu tamanna najugaqatigiikkuutaa-nik ukiut ingerlanerini peqqissutsikkut amerlaneruleriartortunik ajornartorsiuti-linnik paaqqutarinninnermi ajornartorsiutissaqartitsisoq.

Allakkani ilaatigut oqaatigineqarpoq sulisut akissarsiffiit nalaanni sapaatillu akun-nerisa naanerini nalunaaqqaaratik sulinngitsoorajuttartut.

Ajarsivasiup pisortaata misissuinermi oqaatigaa sulinngitsoortarnerpassuit naju-gaqartunik paaqqutarinninnermik eqquinerluttartut. Pisortap taamatuttaaq oqaatigaa napparsimallutik sulinngitsoortartut nalunaaqqaaratillu sulinngitsoortartut assut ajornartorsiutaasut.

Pisortap taamatuttaaq oqaatigaa sulisut pujortariartortarnerat najugaqartunik paaqqutarinninnermik eqquinerluttartoq. Sulisut sulinermik nalaani pujortarsin-naatitaanngillat, sulisunilli suliffiup nalaani suli pujortariartortoqartarluni. Pisortap oqaatigaa pisortaqtigiit ajornartorsiutip taassuma aaqqiiviginiarnera unit-siinarsimagaat.

Pisortap aammattaaq oqaatigaa sulisut tamatumunnga piffissaqaraluarlutik najugartunik aallartisaaneq/uummarissaaneq/sammisaqartitsiniarneq ajortut, suli-sullu najugaqartunik aallartisaatinniarlugit/uummarissaatinniarlugit/sammisa-qartitsisinniarlugit pisortaqtigiit suli misisilitaraat.

Sulisunic ilinniarsimasunik amigaateqarneq sulisullu piffissani aalajangersimasuni sulinngitsoortarneri pillugit pisortap paasissutissiissutai ernumanartutut isigaak-

ka. Oqaatigaara ajornartorsiut taanna utoqqarnik paaqqinniffinni assigiinngitsuni misissuisarninni tusarajuttarpara.

Sulisunik ilinniarsimasunik amigaateqarnermik kiisalu sulisut piffissani aalajingersimasuni sulinngitsoorternerannik ajornartorsiut Ajarsivasiup qanoq iliorluni naleqqunnerpaamik aaqqinniarsinnaaneraa Ajarsivasiup Kommuni Kujallermi ingerlatsivik oqaloqatigalugu isumaliutersuutigissagaa kaammattuutigaara.

Immikkoortortaq tamanna pillugu allamik iliuuseqaqqissanngilanga.

8. Nangitsineq

Ajarsivasik qinnuigaara sulisut, najugaqartut aamma ilaquaasut nalunaarusiamik matuminnga ilisimatinneqassasut.

Ajarsivasik qinnuigaara oqaatigissagaa imm. 5.4, 5.5 aamma 5.6-im i oqaatigisama qanoq iliuuseqarfiusimanera.

Ajarsivasik qinnuigaara paasissutissat kommunimi ingerlatsivik aqqutigalugu nassutiissagai, taamaalilluni ingerlatsivik periarfissillugu Ajarsivasimmit oqaatigineqartunut oqaaseqarnissaanut.

Kommunimi ingerlatsivimmut nalunaarusiap matuma assilinera ilisimatitsissutitut nassiuppara.

Nalunaarusiaq una 2023-mi ukiumoortumik nalunaarutinnut ilanngunneqassaaq aamma tamanut takusassiarineqassaaq nittartakkut www.ombudsmand.gl-ikkut.

Misissuinerup inatsiseqartitsinikkut tunngavia

Ombudsmandip sulineranut inatsiseqartitsinikkut tunngavigisaq Inatsisartut Ombudsmandiat pillugu Inatsisartut inatsisaanni (matuma kingornatigut Ombudsmandi pillugu inatsimmik taaneqartartussami) nr. 7-imi, 1. juni 2017-imeersumi aalajangersarneqarpoq.

Inatsisartut Ombudsmandiat Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, sulinerminili Inatsisartunut attuumassuteqarani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigil siullit.

Oqartussaasut inuillu Ombudsmandip sulinerani pineqartunut ilaatinneqartut inatsiseqartitsineq atuuttoq unioqqutillugu iliuuseqarnersut suliassaminnilluunniit ingerlatsinerminnut atatillugu allatigut kukkussuteqarnersut sumiginnaanersul- luunniit Ombudsmandip misissugassaraa, tak. Ombudsmandi pillugu inatsimmi § 19, imm. 1. Ombudsmandi isornartorsiusinnaavoq, inassuteqaateqarsinnaalluni suliamillu paasinninnini aamma saqqummiussinnaallugu, tak. Ombudsmandi pillugu inatsimmi § 20.

Pisortat ingerlatsivianni annertunerusumik kukkussuteqartoqarsimanissa imaluunniit sumiginnaasoqarsimanissa ilimagisariaqartoq Ombudsmandip misissuinerata takutippagu Ombudsmandi Inatsisartut Inatsisinut Ataatsimiititaliaannut tamatumunngalu peqatigitillugu Naalakkersuisunut kommunalbestyrelsimeullunniit suliaq pillugu nalunaaruteqassaaq, tak. Ombudsmandi pillugu inatsimmi § 23.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiiilluunniit kiisalu atorfefarfiit allat Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqqissuussaaneranut ingerlanneqarneranullu

tunngasut kiisalu pissutsit paaqqinniffimmik atuisut pineqartarnerannut taakkulu pillugit ingerlatanut tunngasut inuppalaartumik misigittartumillu isiginnittaaseq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.